

ԱԼ-ԿԱԴԻ ԲԱՀԱՆԴԻՆ ԻՐՆ ՇԱԿԻԱԿ

Պատմագիր ու պետական գործիչ Բահանդին Աբուլ-Մահասին Յուսուֆ Իբն Ռուֆդ իբն Շադդադը ծնվել է Մուսուլում, 1145 թվականին: Կրթությունն ստացել է հայրենի քաղաքում: 1187 թվականին Սալահադդին սուլթանը լսելով իբն Շադդադի մասին, նրան հրավիրեց իր մոտ և նշանակեց բանակի կադի (դատավոր), ապա Նրուսադեմի դատավոր, իսկ այնուհետև վստահեց վարչական և դիվանագիտական պաշտոններ:

Սալահադդինի մահվանից հետո Բահանդինը կապվեց սուլթանի երրորդ որդու՝ ալ-Մալիք ադ-Դահիրի հետ, որին ժառանգություն էր ընկել Հալեբը: Երբ ալ-Մալիք ադ-Դահիրը մահացավ, Բահանդինը կարգվեց նրա անչափահաս որդի ալ-Մալիք ալ-Ազիզի խնամակալ՝ իշխանությունը փաստորեն վերցնելով իր ձեռքը: Ալ-Մալիք ալ-Ազիզի գահից հրաժարվելուց հետո, Բահանդինը առանձնացած կյանք վարեց մինչև իր մահը, որը տեղի ունեցավ 1234 թվականին:

Բահանդինը գրել է երկու գիրք: Առաջինը կոչվում է «Սրբազան պատերազմի օրենքների և ուղղության մասին»։ սրա մեջ հեղինակը փորձ է անում արդարացնել և հիմնավորել Սալահադդինի մղած արյունալի պատերազմները: Երկրորդը Սալահադդինի պատմությունն է՝ «Քիթաբ Սիրա Սալահադդին ալ-Այուբի» կամ «Աննավադեր ալ Սուլթանիա վալ-Մահասին ալ-Այուբի» (անեկդոտներ ու գեղեցիկ գրվածքներ սուլթան Յուսուֆի կյանքից):

Այս աշխատության մեջ հեղինակը, երբեմն խեղաթյուրելով ստույգ եղելությունները, փառաբանում է Սալահադդինին և գովերգում նրա ռազմագիտական ընդունակությունները, չթաքցնելով իր հրճվանքը նրա հրոսակախմբերի ձեռքով կատարված սալանությունների ու կոռուպտի առթիվ:

Ստորև թարգմանաբար տրվում են այդ աշխատության՝ Հայաստանին և հայերին վերաբերող հատվածները: Թարգմանությունը կատարված է 1839 թվականի Կահիրեի հրատարակությունից: